

Broj: 01-33- 1320/26
Sarajevo, 25.06.2026. godine

Na osnovu člana 30. Zakona o sistemu poboljšanja kvaliteta, sigurnosti i o akreditaciji u zdravstvu (Sl. Novine FBiH, br. 59/05, 52/11 i 6/17), člana 25. i 63. Statuta Agencije za kvalitet i akreditaciju u zdravstvu (Sl. Novine FBiH, br. 94/07 i 31/16), čl. 11. do 23. Pravilnika o radu Agencije za kvalitet i akreditaciju u zdravstvu Federacije BiH ((broj: 02-30-40-1/21 od 28.01.2021. godine i broj: 02- 02-22-1/22 od 31.01.2022 godine, broj 02-33-317/22 od 19.09.2022. godine i broj 02-33-1666/24 od 31.10.2024. godine), u vezi sa članom 14. stav 1. tačke 16. Pravilnika o unutrašnjoj organizaciji i sistematizaciji radnih mjesta (broj 02-30-447-2/25 od 20.03.2025.godine, dopune i izmjene 02-30-697-2/25 od 22.04.2025. godine), Odluke o utvrđivanju potrebe i raspisivanju javnog oglasa za prijem u radni odnos zaposlenika broj: 01-33-926/26 od 05.05.2026. godine, u vezi sa odredbama člana 20a. Zakona o radu (Sl. novine FBiH, broj: 26/16, 89/18, 23/20- odluka US, 49/21 - dr. zakon, 103/21 - dr. zakon, 44/22 i 39/24) i odredbama Uredbe o postupku prijema u radni odnos u javnom sektoru u Federaciji BiH (Sl. novine FBiH br. 13/19, 9/21 i 53/21), v.d. direktor Agencije donosi

ODLUKU

o poništenju Javnog oglasa za prijem u radni odnos zaposlenika broj: 01-33-926-1/26 od 05.05.2026. godine

Član 1.

Poništava se Javni oglas za prijem u radni odnos zaposlenika broj 01-33-926-1/26 objavljen dana 07.05.2026. godine u sredstvima informisanja i na web-stranici Agencije i JU Službe za zapošljavanje Kantona Sarajevo, sačinjen na osnovu Odluke o utvrđivanju potrebe i raspisivanju javnog oglasa za prijem u radni odnos zaposlenika broj: 01-33-926/26 od 05.05.2026. godine.

Član 2.

1. Postupak prijema u radni odnos po javnom oglasu iz člana 1. ove Odluke obustavlja se u cijelosti.
2. Dokumentacija će biti vraćena kandidatima.

Član 3.

Tekst Odluke o poništenju javnog oglasa iz člana 1. objavit će se na web-stranici AKAZ-a, te će se obavještenje o Odluci o poništenju Javnog oglasa objaviti u dnevnim novinama „Oslobođenje“, i biti će dostavljeno javnoj službi za zapošljavanje prema sjedištu poslodavca.

Član 4.

Ova odluka stupa na snagu danom objave.

OBRAZLOŽENJE

Odlukom o utvrđivanju potrebe i raspisivanju javnog oglasa za prijem u radni odnos zaposlenika broj: 01-33-926/26 od 05.05.2026. godine pokrenuta je procedura i raspisan javni oglas za prijem u radni odnos zaposlenika na radno mjesto Stručni saradnik za normativno-pravne poslove pri Službi za pravne, opšte poslove, poslove informisanja i izvještavanja, 01-33-926-1/26 objavljen dana 07.05.2026. godine u sredstvima informisanja i na web-stranici Agencije i JU Službe za zapošljavanje Kantona Sarajevo.

Komisija je, tokom pregleda konkursne dokumentacije i pristiglih prijava, utvrdila postojanje više objektivnih i tehničkih nedostataka koji onemogućavaju zakonito, transparentno i nepristrasno provođenje konkursne procedure.

Utvrđeno je da oblasti i teme za provjeru znanja kandidata nisu u potpunosti usklađene sa opisom poslova radnih mjesta za koja se provodi postupak prijema, da sistem bodovanja utvrđen javnim oglasom sadrži određene nejasnoće, te da kod određenog broja prijava postoje formalni nedostaci koji zahtijevaju pravno utemeljeno postupanje.

Komisija je ocijenila da navedene nedostatke nije moguće otkloniti donošenjem Poslovnika o radu niti drugim radnjama u toku postupka, bez izmjene sadržaja već objavljenog javnog oglasa. Dodatno, nepostojanje internih procedura za postupanje po prigovorima kandidata, kao i činjenica da u sastavu Komisije nije imenovan član pravne struke, onemogućavaju potpuno i pravno sigurno okončanje konkursne procedure.

Imajući u vidu sve navedene okolnosti, ocijenjeno je da postoje objektivni razlozi koji onemogućavaju zakonito i pravilno provođenje konkursne procedure te da bi nastavak postupka mogao dovesti do povrede prava kandidata i eventualnog osporavanja zakonitosti provedenog postupka.

Budući da postupak selekcije kandidata nije započeo, odnosno da testiranje kandidata nije održano, poništenjem javnog oglasa ne zadire se u stečena prava kandidata.

Slijedom navedenog, odlučeno je kao u dispozitivu ove Odluke.



v.d. Direktora

Dr. sci. Mahir Fidahić, dr. med. spec.

Dostaviti:

- Komisiji za prijem zaposlenika
- Zavodu za zapošljavanje Kantona Sarajevo
- web-stranica akaz.ba
- A/a